



文谷集

一

詩

共十三

~ 16
2431
1



和
2431
1-3

文谷集總目

卷之一

詩

卷之二

詩

卷之三

詩

卷之四

詩

卷之五

文谷集

總目

樂樓書齋

鳳山書齋
樂樓書齋
用山書齋

詩

卷之六

詩

卷之七

和陶詩

科體詩

卷之八

疏劄

卷之九

疏劄

卷之十

疏劄

卷之十一

疏劄

卷之十二

疏劄

卷之十三

疏劄

卷之十四

疏劄

卷之十五

疏劄

卷之十六

啓 附書啓

卷之十七

議

卷之十八

神道碑銘

墓碣銘

卷之十九

墓誌銘

卷之二十

墓表

卷之二十一

行狀

卷之二十二

行狀 附行蹟

卷之二十三

祭文

卷之二十四

祭文 附哀辭

卷之二十五

頒教文

冊文

教命文

傳旨

表箋

上梁文

卷之二十六

序

記

題跋

雜著

卷之二十七

書牘

卷之二十八

書牘

寄嶺南諸友

聞淮翁計

次淮翁去年贈伯氏韻

月夕

秋懷寄人

奉送家親入藩

志感

雪夜獨坐

夜步

徐政丞景雨挽

有人以不除草不掃室嘲我戲吟

金君舉挽

秋晚有感

登南山望遠二首

曉發石室途中作二首

外家先塋有感

雨中呼韻

呼韻

讀書堂懷古二首

與羅一昭兄弟乘舟到讀書堂余向楊山一昭

還西水庫

石室幽興

通津後峰望遠 二首

感物

追和玄洲題朴家溪堂韻

以杜詩分韻作五言古詩十首 選八首

詠畫

自果川乘暮入洛

楊山途中

果川途中

幽居

終南夕景

春晚山居

雨中次白洲集中韻

感懷

靜坐

月夜

送羅遠而負笈向湖中

秋盡

通津縣齋作

伏次家親站上遇先妣忌日韻

通津縣舍次何大復秋興韻 二首

次杜詩詠懷古跡韻 二首

朝起

寄遠而

別沈秀才若淮之嶺南

次洪上舍叔鎮韻

次人韻

次李子輝詠子規韻

早起

別羅汝翼往湖中

偶吟寄道峰諸友

次人韻

次伯氏韻憶宋希張

陪仲氏通津途中作

次少陵秦州雜詩韻 六首

次杜詩秋興韻 二首

次谿谷秋懷韻 三首

哭遠而

送外舅之任鳳山

月夜懷遠而

仁祖大王挽詞

籍田漫吟 二首

山居漫吟

將向湖西留別洛中諸友

銅雀江上

明村感舊

任文仲李樞卿到明村終夜醉博

早行

暮行

題王惟善七松亭

山寺暮景

明村卽事 二首

寓興

濠梁榭懷遠而汝翼

雙清堂月夜

途中漫吟

次趙樂靜丈就謫時所作韻

冒雨出石室

新春到明村有作

自楊山入城是日春盡

謁坡山書院 二首

安昌拜外家先塋感懷

掌夏頒冰

敬次伯氏詩韻 二首

敬次伯氏韻

洗草宴次白軒相公韻

蒼耳林中太白過

與濟卿幼能會話青湖丈第追賦却寄

以書狀赴燕暮到碧蹄賦得別懷

廻瀾石

曉星嶺

次韻寄呈永安都尉

金石山途中

柵門次副使韻

柵門寄家書次副使韻

鳳凰山

草河口途中

狼子山夜坐口占

感懷偶吟

遼東

沙嶺

曉發高平途中次副使韻

廣寧次副使韻

十三山

寧遠衛

曉發前屯衛

山海關次李滄溟韻 二首

永平途中

射虎石

漁陽途中偶吟

薊州途中

次象村集中元日韻

暮景

旅味

人日

月夜即事

次象村集鐵山海上書懷韻 三首

通州途中

玉田途中

杏山途中

見歸鴈有感

渡鴨江

洞仙途中次副使韻

鄭判書廣成挽

哭東郭李濟卿二首

答西掖諸公見和

橫笛送晚延月明

過故斛斯校書舊庄有感

歸舟風月夜深寒

野棠自發空流水

罷琴窗外月沈江

枕底波濤篷上雨

雨中敬次伯氏寄示韻

浦渚趙相公挽二首

玉堂夜會走次湖洲文韻

南樓縱目初

泛江送客

大殿端午帖

礪松舍晚翠

伏次親庭寄示韻

寒碧樓次板詠韻

次冲菴韻

丹陽途中次仲氏韻

還到龜潭乘舟而下次仲氏韻

出丹丘洞門次伯氏韻

還自丹丘追賦

陪伯氏仲氏歷覽龜島諸勝境歸賦一律

忠州

冒雪投陽智縣

漢江舟中

次長卿湖堂定式後見示韻

江村漫興

Blank writing area with vertical lines.



文谷集卷之一

詩一百九十一首

憶王父西行 癸未

王父西行後星霜已變三天涯離別苦膝下憶分甘
夜夢長歸北秋鴻又向南烏頭猶未白幾日返征驂

伏次王父詩韻贈表萬戶廷俊 甲申

賢愚平日自難分及到窮途始見真不以炎涼移志
操嗟君猶勝讀書人

次稀字韻

山齋長閉見人稀松柏淒涼待主歸昔日堂前雙燕



子可憐來徃傍誰飛

伏次王父暮春瀋陽聞杜鵑韻

曾聞蜀帝化爲鵑千載蠶叢事杳然塞外飛來應有意日中啼血更無前

其二

夜夜傷心怯杜鵑一聲啼了一潛然雞鳴月落難成夢默坐思親到曉前

寄李秀而

挺岳

兄道峰書榻

城市年來跡漸疎自甘瓢飲臥窮廬人間萬事傷懷抱只好青燈讀古書

聞玄洲李公

昭漢

於七月既望泛舟漢湖次高

霽峰韻

聞道清江泛酒船新秋既望月明天舩頭想有吹簫客夢裏應逢化鶴仙赤壁玄洲前後事甲申壬戌古今年一般况是俱遷謫千載神交豈偶然

次夢烏亭韻

江上高亭聳一層羣公暇日每來憑鷗沙十里生秋月漁浦千家點夜燈遠樹蒼茫迷七澤彩雲明滅見諸陵晴川芳草多佳句白雪調高和孰能

次玄洲韻

自甘窮巷靜無依
門掩蒼苔過客稀
每到夜深吟不寐
坐看窻月轉清輝

寄嶺南諸友效吳體

蒹葭蒼蒼露爲霜
苦憶伊人天一方
逝水光陰劇冉冉
停雲愁恨遙茫茫
相思千里阻攜手
不見尺書空斷腸
最是孤懷耿耿處
庭前秋草鳴寒螿

聞淮翁訃

申公瑛聖號東淮

高亭青白與蒼然
公在龍津或德淵
蘋渚清波搖桂楫
松臺明月掉觥船
天邊忽駕吹簫鳳
江上唯留縮頸鱗
自此湖山誰復管
可憐風景獨依前

次淮翁去年贈伯氏韻

勝跡淒涼已杳然
秋江依舊水如天
九泉倘有精靈在
應憶松臺把酒年

月夕

今夕是何夕
空堂坐二更
浮雲聚更散
孤月翳還明
塞北思親夢
江南憶友情
朝來明鏡裏
霜鬢幾莖生

秋懷寄人

風雨重陽過
淒涼恨未休
鴈驚游子夢
蟲吊病人愁
紅葉無言暮
黃花滿意秋
思君咫尺地
心逐水西流
奉送家親入瀋之行

蒼茫邊日少光輝關塞蕭條秋又歸遙想吾親行役處北風吹雪滿征衣

志感

一別慈顏十載更音容追憶未分明荒原霜露增悽愴淚盡林鳥反哺聲

雪夜獨坐

乙酉

破屋淒風入空庭白雪堆愁心與燈火此夜共成灰

夜步

寂寂空山裏家家盡掩扉愁人月下步棲鳥夜深飛風雪三冬暮冰灰萬念微徘徊天已曉鵲噪衆星稀

徐政丞

景雨挽代述

蒼谷云亡昔共悲哭公今日又憑誰壽星村裏三人會追想當時獨淚垂

有人以不除草不掃室嘲我戲吟

陳蕃一室塵常滿茂叔庭前草不除寄語傍人莫輕笑心期吾與二公如

金君

舉挽代述

松柏淒涼驛洞瑩故鄉宗族盡凋零孤魂應化令威鶴夜夜飛來水上亭

秋晚有感

霜露塗草莽亭臯木葉下鴻驚水國寒蟲吊山窗夜
幽人感蕭晨獨坐長歔歔少壯能幾何光陰疾難恃
所憂學不進盛衰固恒理勉勉惜分陰母為自暴棄

登南山望遠 丙戌

上盡南山上上頭臨風騁望散幽愁陶潛籬下悠然
見何似如今我輩遊

其二

高臥蠶頭指點閒天邊江水繞羣巒微茫極浦風帆
亂知是龍山鷺渚間

曉發石室途中作

曉露征鞭拂熹微遠色新天邊猶有月路上未逢人
霧失千峰面風回萬樹身蒼然烟莽裏何處是龍津

其二

鞭却玄黃馬行穿翠密間山名為九曲前路定應艱
外家先塋有感

篠簜葱吹昔年遊往跡依稀某水丘侵道叢篁刺天
木陳郎此日淚難收

雨中呼韻

初來葉裏聽蕭蕭潤物無聲乍寂寥却向江邊欺客
袂更從沙際灑歸潮林宗頭上巾應墊高鳳庭前麥

欲漂亭午未分山一半濕雲如夢望中遙

呼韻

暮色帶蒼烟遙山橫白雨波間出沒舟天際微茫樹
讀書堂懷古

虛亭縹緲倚層空盛世風流一夢中學士不來三十
載滿江烟月屬漁翁

其二

凌虛高閣夏猶寒倦客來登獨倚欄老木滄波懷舊
處斜陽愁思滿江干

與羅一昭

星漢

兄弟乘舟泝流到讀書堂余向

楊山一昭還西水庫

送者三人行一人行人還送送行人君回舟處吾乘
馬馬土人思舟上人

石室幽興

寂寞柴門掩白雲幽居清絕絕塵紛客來莫問山深
淺五月鶻聲盡日聞

通津後峰望遠

絕壑層雲萬里風朗吟如下祝融峰此間尚覺塵寰
小何況當時上岱宗

其二

水自朝宗流日夜山如拱北盡紆回憑高欲向中原
望碧海茫茫目力摧

感物

池上芰荷種不榮青青唯是水中萍芝蘭荆棘俱無
奈始覺徘徊歲暮情

追和玄洲題朴家溪堂韻

已矣玄洲文年前到野臺人間留好句泉下把誰杯
每到黃花節空看落葉堆傷心明月夜酒熟不重來

玄洲詩有主人能釀
酒乘月可重來之句

以杜詩為農山澗曲臥病海雲邊分韻作五言

古詩十首

選八首

此身本常貧衣食不自供營營世上人乃反笑殺儂
豈不願效彼其奈本疎慵讀書不救飢吾不如老農

其二

我家石室中前對金臺山山色佳有餘入我軒窗間
孤雲與飛鳥日夕相與還城市多囂塵歸來且閉關

其三

夙齡慕閒靜素趣在山澗雖無霧豹姿思免機穽患
從當謝世人漁釣老葭蘼榮華有是非不願絆名宦

其四

昔我開三徑但植松與菊邇來漸蕪沒荆棘空滿目
去草不去根終反滋其毒感物多所思沈憂亂心曲

其五

高賢隱屠釣達士嬰窮餓古來卿相人未必皆王佐
肉食哂菜色世路多輻輳何如北窻下白日且高臥

其六

百川東走溟六龍西入海年光冉冉盡容鬢朝朝改
君子惜寸陰爲學在毋怠少壯不努力能無老大悔

其七

噦噦丹山鳳奮翅凌紫雲舉意周八極羞與燕雀羣

豈不欲來儀未遇賢聖君彼哉青城侶乘軒何足云

其八

君看村野人其樂難具傳禾實蔽田疇桑麻繞屋邊
既無衣食憂不爲外物牽出生入死者視此還可憐

詠畫

水閣深含萬里風柳絲搖蕩鏡光中間來池上愛蓮
客莫是當時無極翁

自果川乘暮入洛

日脚下平蕪烟光籠遠樹行人與歸鴉俱向長安路

楊山途中

江上歸人信馬行山頭落日半輪明寒鴉飛盡村墟靜古木秋風葉有聲

果川途中

向晚出郊外天寒人跡稀熟知江路近故帶夕陽歸山靄隱孤店雪風吹客衣漁樵十年約歲暮莫相違

幽居

幽居悄悄閉門時啼鳥催人睡覺遲晚起小堂無一事隔窗寒雨獨題詩

終南夕景丁亥

悠然終夕見南山山氣氤氳鳥獨還九陌塵囂無日

了此身唯與白雲閒

春晚山居

松檜陰陰石路斜日長無客到山家門前怕有人來往踏碎春風滿徑花

雨中無聊偶次白洲集中韻

夜久簷鈴亂涼生枕簟幽支離數月雨荏苒一年秋玄晏元多病陶潛久絕游青燈與黃卷相對伴閒愁

感懷

節序滔滔霜露零此身何事倍傷情萱堂十五年來淚每向西風不盡橫

靜坐

靜坐無餘事孤村斷往來
雨和黃葉下窻對碧峰開
果熟園成徑庭荒草沒苔
小堂秋望遠幽興箇中催

月夜

獨出衡門外徘徊樹影中
草蟲吟夜月山果落秋風
鳥宿千林靜烟沈一壑空
深宵清不寐涼露滴梧桐

送羅遠而

星遠

負笈向湖中

檐囊此去計為優親在元非故
遠遊努力操戈進堂
室從容函丈討源流門當積雪誰同立
衣襲春風幾
度掘自愧平生山仰志送君今日更悠悠

秋盡

悄悄愁何事光陰轉眼空
一年秋盡日半夜雨兼風
葉脫中庭樹聲殘四壁蟲
明朝小軒下忍對菊花叢

通津縣齋作

十月北風催歲暮通津東閣與誰娛
到無聊處且搜
句覺有味時還讀書殘菊飽霜難引蝶
敗荷含雨不成珠
愁來獨倚層軒望古木荒村畫不如

伏次家親站上遇先妣忌日韻

五歲失慈親不記平生語
唯有夢中魂為我來又去
通津縣舍卽亭感懷次何大復秋興韻

荷殘枯葉菊捐芳木盡千山天雨霜節物風光幾流
轉春秋冬夏一陰陽趨庭詩句吟東郡泣線悲懷戀
北堂歲暮自然增我感不眠中夜夜何長

其二

蕭條庭院紫苔封閉戶孤吟歲又窮未把一杯泛殘
菊還將雙眼送飛鴻百年身世兵塵際千古興亡感
慨中間道前江連碧海扁舟思欲駕長風

次杜詩詠懷古跡韻

此身生晚最堪悲悵望高山百世師川上如聞歎逝
語春來常記詠歸時天心水面依然處弄月吟風有

所思墜緒茫茫尋不得迷塗獨立更驚疑

其二

漢使當年下海東絲綸擎出大明宮詩篇尚播三韓
外世事休論十載中山雨樓亭開毳幕楊花風月屬
漁翁只今回首仙遊地猶見江流日會同

右過仙遊峯

朝起

歲暮偏多病朝來偶有詩破窗風透急深院雪消遲
睡罷日高後山看雲起時靜中無限味那許俗人知

寄遠而戊子

白雪飛時每憶君郢歌誰復和陽春常憐灞上孤吟

客不及河南獨立人

別沈秀才若淮之嶺南

君隨五馬向南州想到名區勝事稠王子風流滕閣
宴杜陵詩句充城樓草生江路行應遍花發山房醉
幾留倘憶長安舊遊地石橋明月共夷猶

次洪上舍叔鎮柱世韻

窻前碧草未全萋已覺春愁滿眼迷花藥正須經雨
發山禽還復喚晴啼四時來往天何語萬物紛綸理
則齊靜裏牢關真樂在莫從城市費招攜

次人韻

節序駸駸已暮春端居懷抱向誰陳俗情時事年年
異山鳥巖花日日親塵世本無開眼處朋知難得快
心人從今不復遊城市便作烟霞物外身

次李子輝光稷詠子規韻

千年杜宇鳥何事怨春風叫血當中夜哀聲徹上穹
芳心寄花藥歸思杳蠶叢豈憶垂衣日皇王擬比崇

早起

睡起東窻散日華春容霽色望中多常憎啼鳥驚幽
夢最恨奚童掃落花山帶濕雲知夜雨烟生遠樹問
誰家此中情境真堪畫欲向人間一一誇

別羅汝翼

明佐

往湖中

草色萋萋柳色深今年離別去年心浮生聚散由來事且向書窗惜寸陰

偶吟寄道峰諸友

羣明星散各風烟獨閉衡門守太玄落葉滿庭人跡斷道峰秋色夕陽邊

次人韻

世味隨年減詩情觸境新松喧窗外月梅放雪中春
耽靜牢關日逢寒病臥辰雀羅門徑冷誰復問幽人

次伯氏韻憶宋希張

光祜

窮居逢歲晏忽忽未開襟日暮倚高閣秋聲生遠林
俗情看萬變詩句費孤吟獨有忘形友天涯共此心

陪仲氏通津途中作

海上趨庭客江邊策馬歸秋風聯鴈影落日望雲飛
古渡行人息荒林暮鳥稀回看京國樹隔水遠依依
次少陵秦州雜詩韻

其二

江都天塹地喪亂有行宮往者長河潰居然大事空
忠臣留壯節烈士慕遺風唯見朝宗水滔滔萬折東
葉脫餘喬木潮迴見遠沙牛羊初下徑樵牧各歸家

古渡荒烟合寒山返照斜啾啾野田雀啄粟競相誇

其三

我志本湖山我身城市間平生樂漁釣無地寄柴關
夢裏尋鷗約雲邊羨鶴還水鄉幽興足聊復一開顏

其四

身厭塵寰窄愁隨世事繁長歌採芝曲無路入桃源
蠻觸傷今日朱陳憶舊村誰能萬山裏遁跡閉衡門

其五

我憶希張子清標也不羣交情比淡水別意賦停雲
夢去輕千里書來慰十分峨洋絃一曲肯遣俗人聞

其六

病骨經秋瘦愁窻著睡難海風無夜靜江雨幾時乾
細火厨人語殘芻櫪馬寒故山松桂晚歸夢繞溪壇

次杜詩秋興韻

西風吹鴈落沙頭楓葉蘆花欲暮秋南北親知成遠
夢古今人事入閒愁病來瘦骨同崖鶴物外深盟付
海鷗何處青山歸興動一丘烟月古揚州

其二

羣山際海勢逶迤寥落官居枕斷陂極浦寒聲潮帶
雨小庭秋色葉辭枝天機自覺須臾轉世事曾經幾

度移獨倚亭臯時極目夕陽平楚亂雲垂

次谿谷秋懷韻

終朝無語坐蒲團
僚慄秋懷不自寬
疎影滿簾飛亂葉
寒聲繞砌瀉哀湍
楓林却似吳江冷
菊蕊還宜楚客餐
衮衮流年生百感
更堪身世屬艱難

其二

獨抱遺經感慨深
聖賢千古是知音
濂溪意思常看草
元定工夫不愧衾
肯使土墻當我面
從來天理在人心
梧桐院裏清秋夜
風月無邊入弄吟

其三

千林蕭瑟草凋青
白露淒淒霜又零
苦柏貞松寒轉碧
敗蘭衰菊死猶馨
梁間燕去留空壘
架上鷹秋怨繫翎
物色天機催荏苒
眼中愁緒日冥冥

哭遠而已丑

丹旌倚壁素帷垂
暮雨蕭蕭燭影微
匹馬遠來君不見
子規聲裏獨沾衣

送外舅之任鳳山

憂患仍羈宦應知樂緒稀
悲連青草夢望入白雲飛
死別兼生別懷歸却未歸
鈴齋多少恨一想一沾衣
月夜懷遠而

知音已矣絃長斷節序居然秋又廻溪上小橋明月
夜欲尋陳跡不堪哀

仁祖大王挽詞 代述

孤臣去國北行時 天語丁寧寵渥垂萬死生還由
聖德百年圖報只神知丹心耿耿長如結仙馭迢
迢竟未追白首銜恩無限淚御香猶在舊貂衣

籍田漫吟

十月郊原物色寒田家無事老農閒蕭蕭落葉荒村
路唯有砧聲響暮山

其二

出郭無塵事川原入望眸草荒沙苑夕霜落籍田秋
世道非吾責郊園偶此遊長安殘照外回首萬端愁

山居漫吟 庚寅

萬事悠悠任老天碧山深處臥超然長安咫尺休回
首恐有塵喧到夢邊

將向湖西留別洛中諸友

末路相逢多按劍明時無計請長纓風塵此日傷心
事不獨清秋遠別情

銅雀江上

塞鴈初廻野菊斑一年秋色滿江關扁舟晚向沙頭

泊輿在蘆花落照間

明村感舊

愁來庭畔倚梧桐舊跡悠悠似去鴻
笛裏山陽無限淚廣陵墳樹又秋風

任文仲

奎

李樞卿

世昌後改名憲字樂甫

到明村終夜醉

博余困眠不叅

空齋夢罷已深更月上梧桐露氣清
認得前軒人不寐隔窗時聽叱梟聲

早行

落月蒼茫宿霧平羸驂早發赴前程
殘星天末四五

點歸鴈雲間三兩聲秋葉落來村徑滑
曉霜侵處客衣清江湖城市竟何事歧路悠悠無限情

暮行

馬上驚殘夢斜陽已近昏秋容霜後樹
暝色水邊村世事空搔首鄉愁獨斷魂
寒林歸鳥盡孤客向誰門

題王惟善

國寶

七松亭次壁上韻

雪裏尋幽徑溪邊得小廬松陰迎客偃
山翠入簾虛氣味三杯酒生涯萬軸書
夕陽扶醉去人道畫圖如

山寺暮景

蒼烟古木引寒藤寺在青山最上層
清磬一聲殘照

下隔林時見暮歸僧

明村卽事

暝色初生後柴門欲掩時洞雲依樹宿江月上山遲
雪徑人誰到風枝鳥屢移小堂清坐處燈影照書帷

其二

一榻松風入幽人午夢醒野禽飢啄木山雪冷侵庭
自酌樽中酒閒翻案上經斜陽悄無語客去掩柴扃

寓興 辛卯

閒來佳趣問如何隨處風流管物華九日山邊吟望
好七松亭上醉眠多前江理艇須乘月古寺尋僧且

赴花身世已拚終放浪百年名利夢南柯

九日
山名

濠梁榭懷遠而汝翼

年來存沒再嗚呼濠上遊蹤半有無淚盡秋風人不
見滿池明月泣荷珠

雙清堂月夜

夕鳥投林盡愁人轉憶歸蟲依草根語螢入竹間飛
世事頻看劍秋風近授衣憑欄獨惆悵清月映前扉

途中漫吟

別酒餘醺尚在顏野橋衰草馬蹄間烟村隱隱難分
樹寒日依依易下山古渡喚舟人已斷平蕪極目鳥

空還秋風旅恨兼離恨定有新霜入鬢斑

次趙都憲樂靜錫胤文就謫時所作韻

陰風朔雪滿江昏草草行裝寄水村莫道脩門纔咫尺楚臣還有未招魂趙文時待命於江上

冒雨出石室壬辰

東郊極目草萋萋水岸山橋信馬蹄微雨一蓑沙苑外平蕪十里穆陵西天時荏苒佳辰促歧路蒼茫客意迷歸去故園春正好辛夷花發子規啼

新春到明村有作

東風引我到郊扉水態雲容似昔時繫馬最憐溪上

柳拂塵重覓壁間詩樽前舊面青山在物外深盟白鳥知一落宦途歸計誤對君還愧問幽期

自楊山入城是日春盡

郊原風日已清和九十韶光一夢過山郭落花春後少野橋芳草雨餘多閒愁袞袞無時了佳節忽忽奈老何駐馬斜陽惆悵久綠陰深處有鶯歌

謁坡山書院

臯比永撤絳帷空此地經過感慨中忍把遺詩對山月謾懷高節聽松風牛溪一派淵源遠緝岳千尋氣象雄最是晚生違炙德辨香燒盡意無窮牛溪先生臨終有詩

文集

日只有年年山月好
清光依舊照牛溪

其二

吾道東來降大儒斯文一脉繼程朱行藏尼父天將
鐸心法延平月映壺立雪當時多俊士聞風今日激
頑夫紫雲山色長隣近瞻仰千秋德不孤

栗谷先生
書院在紫

雲山
下

安昌拜外家先塋感懷

依依翠屏山隱隱蟾江水登登松谷嶺望望安昌里
江山識我面相對如有喜隣里聞我來驚倒還一喟
當時騎竹兒此日乘傳使中間萬事變幾年重到此

某水與某丘歷歷舊遊戲江生外家養陳子西風淚
荒阡宰樹長故宅秋草裏觸目摠傷心撫跡獨酸鼻
吞聲繞丘壠曖曖如將視幽明縱殊途感通元一理
精靈倘有知悲喜亦應爾立揚豈不榮欲孝將誰為
平生罔極恩未報長已矣此懷誰與道此恨終無已
歸路更潜然題詩叙我思

掌夏頒冰

課作

從古周官有掌冰四時藏用備三凌明堂嘉薦新春
始夏簞恩分舊制仍玉井由來風味別金盤爭似露
華凝清朝惠澤深如海病渴何人臥茂陵

敬次伯氏詩韻 癸巳

午夢依依到野屏滿園春色杏花時覺來虛榻無餘
事獨對南山續舊詩

其二

病裏思歸夢幾圓羨湖春水碧於天何人載我孤舟
去閒伴沙鷗宿暮烟

敬次伯氏韻

雨後園林生綠陰隔簾幽鳥伴人吟春隨殘夢已無
跡風散飛花誰復禁鳥几最憐宜引睡素琴非為要
知音閒居漸喜經過少一任柴門草色侵

洗草宴次白軒 李公景奭 相公韻

鼎水龍髯已隔天玉欄花發幾回年周詩尚詠前王
德漢紀還歸太史編幽澗墨痕看草洗御壺春色拜
恩宣華筵莫奏雲門曲座上何人不愴然

蒼耳林中太白過 課作

谷口幽廬深復深客來荒徑隱寒林回車肯作窮途
泣乘興非關雪夜尋蒼耳薦盤秋圃味白頭傾蓋暮
年心樽前握手風流足物外交期永自今

與濟卿 李公弘相 幼能 李公端相 會話青湖文

李公一相 第追賦却寄

幽懷襞積向誰披邂逅東城有好期禁苑夕陽飛鳥
外草堂秋色菊花時醒狂宿習言驚坐酩酊歸途馬
倒騎從此相過還幾日燕山離別即天涯

以書狀赴燕暮到碧蹄賦得別懷

離筵草草路歧間日暮親朋送我還馬上未醒沙峴
酒天邊已失漢陽山長亭古驛遙聞角虛館殘燈獨
掩關從此漸愁鄉國遠客中何處可開顏

廻瀾石

潭心孤石忽崔嵬直過狂瀾倒却廻此地江山天下
勝當年漢使日邊來乾坤萬事空流水風雨殘碑半

蝕苔欲向荒墟尋舊跡冷烟衰草自生哀

曉星嶺

早上曉星嶺朔風吹醉顏樹頭初旭映溪面宿雲寒
行色雪中路歸心天際山幽燕猶萬里幾日卸征鞍

次韻寄呈永安都尉

洪公柱元

萬里離心逐逝川小屏隨處更依然春風京洛相迎
日莫把歸期較後先

余借公枕
屏以去

金石山途中

風林浙浙噪飢鴉衰草荒原落日斜隱隱亂山喬木
裏却疑深處有人家

柵門次副使

洪公命夏韻

鳳城西去近遼陽
落日停車古道傍
逢著居人言語異
忽驚行邁入殊方

柵門寄家書次副使韻

羈愁黯黯夜無眠
淡月離家似隔年
不向書中傳苦况
恐教親愛意悽然

原韻

幕裏寒燈坐不眠
鳳凰城下夜如年
天涯無限思歸意
欲寄家書轉惘然

鳳凰山

千年丹穴此間疑
鳳作山名自幾時
虞殿樂成聲已遠
楚狂歌罷德何衰
天寒野雀飢爭粟
日暮林鴉噪滿枝
漠漠乾坤氛祲暗
卽今何處更來儀

草河口途中

隴水無聲凍不波
隴山愁色雪嵯峨
時危未試安邊策
歲暮空吟出塞歌
華表柱頭南鴈盡
薊門關外北風多
燕雲極目塵沙暗
幾日行人到玉河

狼子山夜坐口占

旅枕中宵苦憶家
客行明日到遼沙
遙知故國妻兒會
空對寒燈占喜花

感懷偶吟

遊方弊盡老萊衣叱馭頻驚塞路危雪裏獨登青嶺
上天邊遙望白雲飛千金敢忘垂堂戒萬里長吟陟
岵詩雙淚欲憑遼水寄流波不肯向東歸

遼東

路入遼陽地勢寬平蕪極目杳茫間天低丁鶴昇仙
柱日落唐皇駐蹕山萬里風雲來碣石千年城郭控
榆關漢家征戍皆陳跡惟見烟臺獵騎還

沙嶺

平明起掃滿車霜風急三河客路長古戍午炊尋廢

井荒城野宿倚頽墻塞天易雪雲常黑沙磧先秋草
盡黃辛苦此行成底事只將詩景付奚囊

曉發高平向盤山途中次副使平安橋韻

飛霜如雪曉星殘暗裏驅車隴草間過盡烟臺知幾
里日高猶未到盤山

廣寧次副使韻

遼塞隄防此最雄金湯今日摠成空山圍絕塞蒼茫
外月照荒城寂寞中隴上戍笳胡地譜河邊戰壘漢
時功石牌樓下悲風起長使行人恨不窮

原韻

關防形勝一方雄
雉堞逶迤迥入空
榆塞悲風羌笛裏
巫山愁色夕陽中
荒原半閉關王廟
彩石猶傳驃騎功
今日可堪千古恨
寒泉嗚咽幾時窮

十三山

日暮羸騾強著鞭
平原行盡有人烟
山如巫峽峰加一
地過醫閭里又千
遠夢幾愁中夜斷
鄉書唯待隔年傳
黃昏起望天邊月
怕見清光漸向圓

寧遠衛

山河表裏列雄藩
坐見風塵萬里昏
豈是漢家無上策
只應天意棄中原
連雲粉堞荒城廢
夾道青帘舊

俗存莫遣羌兒吹短笛
戍樓明月最傷魂

曉發前屯衛

層冰積路雪成堆
歷遍辛艱萬里來
旅館獨隨棲鳥入
征車又趁曉雞催
疎燈隱隱分村市
落月依依見戍臺
記得山居閒味足
日高窗外夢初回

山海關次李滄溟韻

山如玉壘萬重深
城壓滄溟一面沈
形勝固難憑地理
興亡誰復問天心
秦時明月臨關塞
燕地浮雲變古今
獨倚譙樓搔首立
海風吹落鬢邊簪

其二

壯遊遐矚冠平生天下雄關第一名
榆塞地形夷夏界薊門風景古今情
山盤石骨千年色海拍城根半夜聲
男子胸襟要一快莫嘆辛苦此中行

永平途中

平原遠樹望重重郭外時時獵騎逢
西去地形連涿鹿北來山勢抱盧龍
河分孤竹城邊路雪滿仙人頂上峰
試向薊門遙極目烟塵何處覓堯封

射虎石

漢家飛將此分麾射虎威聲壓月支
千載遺蹤何處是城邊夜石摠堪疑

漁陽途中偶吟

白馬何人意氣驕
駢弓在臂箭橫腰
陰山獵罷歸來晚
馳過漁陽十里橋

薊州途中

沙磧茫茫路不分
東來消息杳難聞
孤臣向闕惟看日
遊子思親幾望雲
節近新春年冉冉
地窮幽朔雪紛紛
征途極目何時盡
薊樹寒烟又夕曛

次象村集中元日韻

甲午

終朝悄坐小窻前
暗筭離家已隔年
風力乍和吹雪盡
日華初弄向人妍
他鄉容鬢頻看鏡
末路聲名不

直錢稍喜歸期從此近
淚江花柳豔陽天

暮景

落日下層城
城頭暝色生
天低召伯樹
地接望諸塋
關塞經年客
山河吊古情
居然墮清淚
何處暮笳聲

旅味

旅味千般苦
無時不憶家
殘宵夢成魘
弊褐蟲盈爬
書抵萬金貴
愁侵雙鬢華
遙憐小兒子
日日解呼爺

人日

虛館蕭條晝掩扉
悄然孤坐到斜暉
一年人日春初動
萬里燕雲客未歸
蘆酒酪漿驚異俗
彩花金勝憶

重闌東風欲問梅
消息鴻鴈何時向北飛

月夜卽事

庭院寥寥缺月斜
巡簷散步獨吟哦
頻呼驛吏看調馬
更向厨人問煮茶
綺陌漏聲催夜箭
玉河流水咽寒波
門前咫尺猶難到
况復鄉關天一涯

次象村集鐵山海上書懷韻

鄉關一別已經年
物色驚心更黯然
蠻館旅愁聞夜笛
鴨江歸夢喚春船
書從出塞難頻寄
詩到傷時莫浪傳
少小壯遊何足詫
空令繁鬢變華顛

其二

百年人事幾乘除自笑知非愧衛蘧桂樹漫吟招隱賦竹林還有絕交書世間險路元難盡身外浮名豈可居堪恨此生猶物役水雲何日結茅廬

何日結一作歸計負

其三

長安清漏往時同滄海桑田萬事空一代衣冠還似夢千年襟帶此為雄空聞野老吞聲哭尚憶先皇定鼎功忍向西風揮淚望壽山愁色夕陽中

通州途中

歸興快如飛歸程征馬知居然出館日便似到家時野岸新抽草春江已漲漸長安花柳節行趁踏青期

玉田途中

客路平蕪外河橋落照邊逢人問采店策馬向藍田地澗山圍薊天低樹入燕莫愁關塞遠歸興正悠然

杏山途中

飽喫燕山苦重尋遼塞途歸心出關勇病骨入春蘇日落河流急烟生野店孤停車時一望獨鳥下平蕪見歸鴈有感

萬里關山驛使疎故園消息問何如無情最是遼陽鴈不帶東風一字書

渡鴨江

霽雪初消斜日曛九連城下大江分春風萬里東歸興隔水孤亭認統軍

洞仙途中次副使韻

雨過青山布穀啼驛程芳草遠萋萋長安未到春先老却怕殘花半作泥

鄭判書廣成挽

生兒貴作黑頭公歸臥田園謝鼎鐘共說謙恭宜受福卽知詩禮早教忠王家積德三槐在漢代推恩萬石封丹陛履聲曾幾日不堪華屋遽成空

哭東郭李濟卿

戰藝春臺上文星壓斗魁鵬圖期遠展蟻夢訝先催曉月傳宮漏秋風落院槐淒涼舊遊地陳跡轉堪哀

其二

去歲蓬萊頂秋風振羽衣還逢仙侶問催向玉樓歸丹石留名在青鞋撫跡非千秋東海上咳唾散珠璣

答西掖諸公見和課作

龍池春動柳絲低玉佩朝迴禁掖西綵筆光生賦雲夢黃封香濕自天題諸公白雪傳高唱老子玄經閉獨棲回首九霄還有感昔年吾亦忝金閨

橫笛送晚延月明課作

憶昔公家送我行，醱醑春色一樽傾。橫吹短笛凌風迴，醉倚華筵待月明。陳跡山陽多感慨，素華天上幾虧盈。今朝又作河梁別，腸斷邊城折柳聲。

過故斛斯校書舊庄有感 課作

秋風浙浙蕙帷涼，蕭瑟園林擁廢庄。詞客競吟平子賦，行人猶記鄭公鄉。柴門草沒曾開徑，芸匣塵埋舊校章。惆悵朋游誰復過，數聲隣笛似山陽。

歸舟風月夜深寒 課作

漁舟曾入洞天寬，未覺塵蹤再到難。流水有情浮落葉，白雲何事鎖重巒。千厓悵望仙源隔，一棹歸來夜

色寒。却覓武陵山外路，烟波無際月團圓。

野棠自發空流水 課作

千家閉戶草盈疇，亂後風光滿目愁。春晚野棠花自發，客來江浦水空流。荒林落日看巢燕，古渡無人閣釣舟。獨向長洲搔首立，冷烟喬木似深秋。

罷琴窗外月沈江 課作

獨夜滄洲上，瑤琴響碧窗。風清絃弄七，波蘸月成雙。別鶴聲傳浦，寒蟾影墮江。幽人悄無語，寂寞對寒缸。

枕底波濤篷上雨 課作

蕭條行色寄舟中，萬頃平湖一葉風。波撼夢魂喧旅

枕雨催詩興打孤篷春撞怒勢妨書帙滴瀝寒聲雜
葦叢最是漁翁不愁思一蓑烟艇入空濛

雨中敬次伯氏寄示韻 乙未

睡起烏紗一任斜小軒孤坐到棲鴉雨餘黃鳥全身
濕雲際青山半面遮西塞蓑衣思釣伴東陂禾黍想
田家聞來未信官為累經夏門庭蝕土花

浦渚趙相公 翼挽

儒林型範國宗臣學溯淵源行盡倫大節聳看千仞
壁和風爭挹一團春 三朝出處先憂志數畝生涯
獨樂身點檢他年青史上完名終始復何人

其二

先朝耆舊幾人存一老巋然仰達尊輿望尚懸喬岳
重台躔還共壽星昏空留尺疏扶吾道不見安車返
國門東閣向來多少客可堪揮涕送丹旛

玉堂夜會湖州文 蔡公裕後 醉題一絕索和走

次其韻

重城風逆漏聲沈苑樹烟籠九闕深殘燭玉堂清不
寐一樽相對且開襟

原韻

上林烟樹暮沈沈燈下清談到夜深浮世榮名都

是幻且將樽酒滌煩襟

南樓縱目初

課作

山河萬里眺東南
縹緲危欄倚半酣
地敞青齊吞渤
澥天低岱岳出
雲嵐秦碑剝落
書皆蚪禹跡微
茫土既蠶欲賦
靈光才已退荒
城懷古思難堪

泛江送客

課作

錦浪迎春纜青帘
送玉缸孤舟載離
恨落日泛清江
柳絮飄鄉淚梅花
怨笛腔沙鷗如惜
別故故近篷窗

大殿端午帖

黃梅一雨自知時
舜殿薰風合習吹
繭館奏功年縷

積龍樓無事畫簾垂
冰分玉井宮恩徧
雪疊香羅御服宜
清曉九門催揭帖
幾人規諫入新詩

礪松含晚翠

課作

紛紛桃李媚春容
幽礪何人賞爾松
直到雪霜摧百卉
須看蒼翠閱三冬
凌寒密葉深留鶴
聳壑膠枝老作龍
自是後凋存晚節
大材終入棟梁供

伏次親庭寄示韻

天末飛雲入望愁
幾回孤夢到江樓
長安赤日燒如火
孤負凝清六月秋

寒碧樓次板詠韻

錦繡山臨碧玉流上游形勝最茲州巖楓已落秋無
跡江月初生客倚樓簾外亂峰丹峽路檻前歸棹漢
陽舟他年倘結漁樵社分占沙鷗一曲洲

次冲菴韻

木落羣山出江鳴小雨餘地偏無俗客樓迴似仙居
枕席烟嵐潤簾旌水月虛沙頭一點火知有夜深漁
丹陽途中次仲氏韻

玉筍峰前吹笛興降仙臺下繫舟時山門寂寞遊人
少唯有閒雲與我期

還到龜潭乘舟而下次仲氏韻

駐馬龜峰最上頭花灘烟浪放歸舟山當洞口如相
送水向人間亦不留仙夢乍驚玄鶴過笛聲遙過彩
雲浮各區踏盡奚囊富莫恨佳期負九秋

原韻

臨流一步一回頭還泛龜潭出峽舟玉筍峰前增
悵望丹丘門外爲遲留江聲浙瀝孤帆迅雲氣微
茫翠壁浮更泝靈源知有日桃花春浪蓼花秋

出丹丘洞門次伯氏韻

丹丘洞北水西頭岳色灘聲揔別愁殘照未堪催去
路晚風何意送行舟依微晉客桃源夢悵望蘇仙赤

壁秋巖畔白雲飛不盡只應相逐解相留

還自丹丘追賦

丹丘形勝別乾坤峽坼江盤石作門天姥幾年勞遠
夢武陵今日問真源樵柯路入看碁洞仙窟田開種
玉村從此便尋方外約小山叢桂可攀援

島潭石門
有小窟窟

中皆作田疇之
形號曰仙人田

次韻

伯氏

曾聞壺裏秘乾坤形勝丹丘第一門山勢遠分千
里脉江流初發五臺源瑤壇定有餐霞客雲壑深
藏避世村邂逅來遊如夢醒仙梯他日更攀援

乙未十月二十七日陪伯氏仲氏自寒碧樓下
乘舟泝流歷鶴樓巖丹丘洞門玉筍峰降仙臺
到龜潭舍舟登岸夕宿丹陽之鳳樓亭翌日早
發過棲鵲巖涉上津到島潭乘小艇沿江上下
歷覽石門隱舟巖諸勝境少憇洪家亭舍夕還
丹陽廿九還到龜潭乘舟而歸漫賦一律
名區探歷盪襟胸歸臥高樓萬慮空雲物盡收詩卷
裏江山長對畫圖中杜陵東郡趨庭日王子南昌半
帆風何似此間清絕地勝遊隨處弟兄同

忠州

中原形勝自麗羅興廢悠悠幾度過棟宇尚留唐日
月城池不讓魏山河雲寒鳥嶺行人少水咽琴臺戰
鬼多邂逅客來成遠眺不堪懷古一悲歌

冒雪投陽智縣

古縣依山不掩門客投虛館欲黃昏盤飧冷落無兼
味邑里蕭條只數村孤枕伴燈寒照影弊裘沾雪凍
成痕殷勤太守風情在一酌官醪為我溫

漢江舟中

離家再見月盈虛歲暮都門始返車 宸極近瞻纔
咫尺宦途將進更趨趨終南睥睨斜陽裏漢口樓臺

霽雪初駐馬沙頭聊借問西江風浪近何如

次長卿

李公殷相

湖堂定式後見示之韻

風流敢望古人賢簪盍文場亦好緣病客綵毫才已
退諸君赤幟氣無前瀛洲地比神仙迴霄漢恩承雨
露偏 昭代即今勤獎勵却慚雕篆忝周旋

江村漫興

隔水村扉路不遙公餘閒赴故人招沙邊霽色明殘
雪冰下寒聲落暮潮聞愛釣船橫野渡偶牽詩興到
溪橋憑君莫忘歸時約更向江頭醉一宵

文谷集卷之一

文谷集卷之二目錄

詩 一百九十六首

大殿迎祥詩

立春日 賜柑湖堂次長卿韻

詠盆梅

贈別湖西亞使金遠明

次長卿失馬韻

次長卿贈別三陟使君韻

寒食志感次長卿韻

次沂川洪尚書西湖口占韻

肯銷金甲事春農

大殿端午帖

赤壁泛舟

追記燕路舊遊錄呈野塘金叅判

五首

哭羅一昭

七首

自龜潭暮還

贈人

銅雀江上送同春還鄉

金判書

益熙

挽

銀臺次右令詠折檻圖韻

銀臺雨中漫吟

二首

族姪盛遇挽

平山途中

瑞興途中

追步永安都尉雪中辱招韻

次永安都尉寄滴露韻

醉後口占示大隱巖主人

酒席贈別朴晦仲

孝宗大王挽詞

八首

延陽府院君挽

二首

申叅判 翊全 挽

直廬用葵仲韻詠懷

次白軒相公韻題大幾詩卷

次韻題大智詩卷

別幼能出守清風

贈處仁上人

題畫

石室書院與幼能約會夜深不至

與沂川市南松谷出華陽亭觀收馬次市南韻

京畿水使元翻挽

湖洲蔡判書挽

感懷示東里

青湖李文奉 先王實錄向太白山感懷有贈

豐沛館謹次圃隱先生韻

錦山客舍次壁上韻

贈泰仁守朴崇古

文義途中

鄭司藝 元黃 挽

春帖 二首

晚沙沈相公挽

次青湖在東郊寄沂川韻 二首

寅平尉挽

王惟善挽 三首

送李侍郎 翊漢 出牧濟州

玄上人屢索詩強次軸中韻以贈

送洪同年國寶出守端川

送洪學士鼎卿出守醴泉

朗善君夫人挽

李陽川 哲英 挽

奉贈關東洪按使 處亮

尹修撰子章挽

懋納清亭

關西方伯任公 義伯 新構望日軒索題賦贈

嘉山旅懷

龍灣感舊

登統軍亭

次沂川寄示韻

次韻題南雲卿連朱世榮帖

九秋之望乘月訪僧伽寺

題畫簡

定州老妓張玉來見道舊感而書贈

龍灣夜酌書示諸公

暮投車輦書懷

到鳳山適值外舅葬日賦此

坡山夜坐書懷

豐壤哭外舅新阡

挽人內喪

次南雲卿 朝叅後志喜之韻

用無何堂韻追奉春川曹使君 漢英

市南挽

寒食差祭 寧陵志感

寧陵諱日幼能有書相問書感却寄

山人戒淳索詩有年漢湖江榭口號以贈

江閣月夜呼韻

暮訪李生 柄 江亭歸口占短律寄示

次韻題稻香亭

用雲卿韻詠懷錄呈仲氏

釜浦舟中醉題清風洪使君 處亮 扇

七松亭醉題金生柱屐扇

李生希賢攜酒來訪書便面以贈

夢隨外舅同舟泛江臨別口號

承 命試士北關詣 闕拜辭蒙 賜貂帽

過憇鐵原

新安途中伏次先祖韻

淮陽伏次先祖韻

鶴城贈府伯李長卿

德源客館伏次先祖韻

效秦少游柳梢青賦寄長卿

過草原驛感懷次東岳韻

北青客館伏次先祖韻

朝日軒夜坐

吉州客館坐對夕烽次板上韻

追賦城津之會次端川洪使君韻

曉起詠懷復疊前韻

雄城客懷次老杜秋興韻 八首

記懷贈方伯

謹次沂川相公見寄韻

吉城記事

稚子

次少陵秦州雜詩韻 二十首

用夢中詩句足成一律

與端川利城兩使君訪七寶山途中作 二首

夜宿金藏寺

朝起雲雨蔽山作詩遣悶

開心寺

金剛窟

兜率菴

漫吟記懷奉同行兩益

歸路少憇門巖回望諸峰

和長卿寄示長相思小令

雄城客館盆菊

留別利城使君

居山驛遇雨

昌道驛夜懷

鄭相國 維城 挽

鄭相發引日口占

賜浴北湯後雲卿有作次韻

次青湖志喜之作

呂判書 爾載 挽

姜監司 裕後 挽 二首

送人

西郊贈青平都尉

李弘遇挽

青湖李判書挽 二首

東昌尉挽

扈 駕渡漢船上口占

次長卿再疊志喜韻 二首

尤齋同春隨 駕到天安徑歸悵惜有作

扈 駕宿果川

端陽將事 寧陵書以寓懷

偶出明村書贈羅顯道

東湖感舊

八月十八日夜病臥書懷

贈別南雲卿燕行

吳判府事 竣 挽

文谷集卷之二

詩 一百九十六首

大殿迎祥詩 丙申

春入宮壺柏酒濃
玉樓寒退瑞雲重
朝來試捲珠簾
望積雪全消仗外峰

立春日 賜柑湖堂次長卿韻

分珍詞苑最恩光
佳節黃羅出建章
澆渴不須金掌
露拆包猶帶洞庭霜
遙知貢篚來炎海
更感題封襲
御香素食自慚無
所報只應銘鏤在中腸

詠盆梅

姑射仙人綽約姿
冰魂千古託瓊枝
素衣肯受緇塵化
寒豔偏將白雪宜
羌笛北風休按曲
水曹東閣費吟詩
何如一醉羅浮夜
月落參橫摠不知

贈別湖西亞使金遠明

益廉

秦城驛路接湖西
二月春寒草未齊
綠水芙蓉推佐幕
青門楊柳惜分攜
樓高拱北憑危檻
家在終南夢舊溪
遙想錦江新物色
待君收拾付詩奚

次長卿失馬韻

朱蹄騰踏似龍趨
絕足爭稱汗血駒
燕市忽驚遺死骨
齊城無復解歸途
圉人咄咄皆惆悵
凡馬區區儘

卒徒最憶去年東
里會臥聽深夜齧殘芻

次長卿贈別三陟使君韻遣懷

花枝欲動柳絲斜
病裏幽懷感物華
孤棹夕陽思釣渚
一犁春雨夢田家
身閒欲就隣人甕
巷僻難容長者車
獨詠新詩誰與和
小軒愁坐到棲鴉

寒食志感次長卿見示韻

寂寞松楸對夕暉
荒原物色逐時移
萱花永結北堂感
寸草空吟東野詩
夢裏音容中夜泣
春來雨露每年悲
翻思失哺零丁日
成立吾生豈所期

次沂川洪尚書

命夏

西湖口占見示韻

公緣憂國鬢先皤我為縻官計易差自是尚書期會
隔非關吏部醉時多春城細雨催花急水郭青帘映
柳斜佳節無緣陪勝賞病來懷抱一長歌

肯銷金甲事春農

課作

轅門喜氣滿盧龍相國休兵正務農金甲盡銷成稼
器土功新闢罷軍容春深隴野多青麥日暮關山斷
急烽鈇耨固知當劍戟佇看氛祲靜邊封

大殿端午帖

周殿瞻雲漢終宵不下簾清晨宮女報好雨已廉纖

赤壁泛舟

課作

萬里黃州客二年赤壁秋湘潭漁父問采石謫仙遊
夢罷人疑鶴江空月在舟涼風起天末先憶鳳凰樓

追記燕路舊遊錄呈野塘金叅判

南重

行軒

箕封舊域盡龍灣鵲岳西邊道路難城廢九連餘漢
地河分八渡入胡山天寒毳幕披荆宿日暮行厨傍
水餐高嶺入雲青嶺險欲從何處望鄉關

其二

巫閭秀色鎮邊州名將遺蹤但石樓大小河邊經戰
地十三山下駐征輶蓬蒿廢郭民居少風雨荒原鬼
哭啾到此行人偏掩淚向來天意問無由

其三

烟樹微茫草沒壕
薊門秋色正蕭騷
千重粉堞譙樓
迴十丈金身佛殿
高片石尚留遼代字
長河難洗羯
奴臊堯封欲覓知
何處獨倚崆峒撫
孟勞

其四

燕都宮闕鬱嵯峨
地覆天翻感慨多
忍使穹廬移玉
座獨披荆棘見銅
駝金臺落日英雄
淚易水悲風壯
士歌最是三忠遺
廟在却慚冠蓋此
中過

其五

烏蠻古館玉河頭
一鎖重門類楚囚
言語怕傳存禁

秘橐裝垂罄困徵求
沽來虜酒難成醉
聽得燕歌易起愁
多少客中辛苦味
只今回首夢悠悠

哭羅一昭

君家積德世爭稱
後嗣端宜福祿膺
天道本來多舛
錯八年還見四喪仍

其二

看君風骨聳秋鷹
霏屑清談萬壑冰
已向家庭敦孝
友肯將畦畛待親朋

其三

聯榻明村丙戌冬
讀書相伴對殘缸
寒爐撥火仍煨

栗坐聽三更雪打窗

其四

秋來幽興在漁磯
水落前溪紫蟹肥
呼得隣翁攜網去
綠蓑風雨打魚歸

其五

清樽殘燭七松亭
守歲寒宵到曉星
大醉憑陵呼五白
野翁溪友共忘形

其六

春來相見問佳期
期在河豚欲上時
吾未解官君又病
可憐人事竟參差

其七

那知二豎竟難醫
幽問初傳夢也非
今日素車來哭處
九原應恨巨卿遲

自龜潭暮還

風露淒淒暝色遒
官橋候火照沙頭
仙遊轉眄真如夢
絕境關心揔作愁
烟際鳥樓臨浦樹
月中人語上灘舟
歸來半夜清無寐
十里江聲撼一樓

贈人

連旬再把竹林觴
阮宅相邀樂事長
蘭契正逢三四友
菊花還作兩重陽
擎來官錦榮堪詫
醉後朝衣典

不妨爭賀高門偏盛事一堂卿月並輝光

銅雀江上送同春

宋公浚吉還鄉丁酉

烟波渺渺柳依依酒盡沙頭欲別時惆悵仙舟不可繫夕陽空詠白駒詩

金判書

益熙挽

詩禮名家德是基清班早歲際昌期能持讜議收時望自有奇才結主知遐翼正張雲路促巨川將濟夜舟移春來忍過西門外千樹桃花滿日悲

銀臺次右令

李公行進

詠折檻圖韻

嶙峋折檻終何補進諫非難受諫難縱有直臣無聖

主後人空作畫圖看

原韻

漢廷誰似朱雲直始識為臣古亦難拜獻此圖深意在九重寧作等閒看

銀臺雨中漫吟

雨餘宮草正霏霏晝永銀臺奏事稀落葉摠隨溝水去流鶯先傍禁林飛仙袍自愧趨香案襪線何能補袞衣看取春來雙鬢改半緣憂國半思歸

其二

醉後清談玉屑霏日斜庭院吏人稀身同櫪馬愁羈

繫心似籠禽欲奮飛脩禊勝遊宜曲水浴沂幽興已
春衣漁樵舊侶應嘲我每向詩中但說歸

族姪盛遇挽

至行天猶感高才鬼反猜如何割股孝貽此喪明哀
入夢平生面呼爺五歲孩晨昏嘗藥地魂鬼想歸來

平山途中

戊戌

駐馬官橋望遠村忽驚啼鳥似鄉園山城曉雨催花
信野岸春蕪沒燒痕人世固知同泛梗路歧偏覺易
消魂仍思北岳溪邊屋開遍黃梅晝掩門

瑞興途中

龍泉官路苦漫漫竟日驅馳不暫閒鄉思亂於芳草
積客行忙似暮禽還春陰欲雨霾平楚野燒將風入
遠山忽覺馬前詩興動葱峰如畫玉流潺

追步永安都尉雪中辱招韻求和

秦樓風雪寄詩來春酒初濃琥珀杯他夜月明追勝
約不妨涓滴待吾開

次永安都尉寄滴露韻

沁園仙菜許分裁兼得瓊瑤眼忽開頓覺酒厨風味
別病夫從此更添杯

醉後口占示大隱巖主人辛生

聖老

己亥

石路明殘雪山風撼萬松凍泉鳴暗壑晴月上前峰
小閣留連飲良朋邂逅逢銀臺一年客今夕盪心胸

酒席贈別朴晦仲

增輝

長城之行

夜靜風傳漏庭空月到簷朝衣憐我倦春酒爲君拈
令節青陽屆離愁白髮添他時相憶處日斷暮山尖
孝宗大王挽詞

德自潛龍顯憂因啓聖殷危微舜傳禹謨烈武承文
布澤羣生洽興衰一念勤紛紛尚功利誰數漢唐君

其二

王化宮闈始躬行孝弟先樓傳花萼詠詩廢蓼莪篇

霜露 諸陵謁春暉萬壽筵終看一字謚高出百王
前

其三

禮以羅賢俊臣哉作股肱昭融魚有水討納木從繩
協贊天功亮恢張士氣弘經綸未半業空入簡編徵

其四

萬折朝宗志寧忘在莒時經營皆妙筭樹立本宏規
駿骨金臺貯雄心鐵杖知他年青史上遺恨又淳熙
其五

露禱宮庭夜渾忘病日臻人方祝遐筭天不與中身

蒼野悲虞舜深山哭宋仁從今賜衣節忍復作佳辰
其六

大德還無壽冥冥理莫徵龜曾夏禹錫龍遽帝軒乘
恍惚翻疑夢驚呼但拊膺三韓千古慟十載再天崩
其七

慟哭蒼黃日威顏咫尺違虛陳文具几忍歛袞龍
衣玉漏同前夜金華變素幃庶儀從此遠何處更瞻
依

其八
十月官車出天寒嚴鼓催攀號萬人送警衛百神

陪松柏聯金粟衣冠掩夜臺那堪拜陵路獨抱墮
弓迴

延陽府院君李公時白挽庚子

勲名兩世弟兄俱位望三朝將相都純行豈須由
學就至誠元自不言孚家承錫賚寒仍舊身佩安危
守若愚最憶昔年南漢戰五更危堞獨忘軀

其二

攀髯鼎水隔年纔一代耆英半夜臺遺藁未終憂國
語近臣虛見到門迴鵠原寂寞連枝萎麟閣淒涼大
樹摧想得玉欄花發處仙班能似舊時陪

申叅判 翊全挽

相門遺業已蕭然一片青氈尚有傳危跡幾經難處
地素心方見獨全天功名信命元無競詞翰兼人不
自專華屋纔成飛旒出可堪揮涕向新阡

直廬用彞仲

李公敏叙

韻詠懷

辛丑

天邊日送倦禽飛昨夜鄉園夢裏歸山靜白雲常滿
徑雨餘流水欲侵扉思從物外遺榮辱苦厭塵中足
是非他日故人如訪我一蓑漁艇舊苔磯

原韻

梨花落盡柳花飛去歲辭鄉今始歸可惜松篁殘

故植尚憐雞犬護空扉田園勝事時時夢湖海初
心忽忽非會待東岡成小築黃冠重掃舊漁磯

次白軒相公韻題大幾詩卷

雲山一別月頻盈洞裏靈芝長幾莖逢著高僧半日
話十年城市未歸情

次韻題大智上人詩卷

爾自山中至休誇文室清何如北岳下高枕聽松聲
別幼能出守清風

清風萬古有高樓樓外江聲六月秋我昔趨庭仍縱
目君今分竹即遨頭陳蹤尚記題名石別夢空隨泝

峽舟一派北津連漢水好將雙鯉替書郵

贈處仁上人

愛爾丹青筆有神蕭然風味更天真浮屠從古元多
技畫史如今亦少倫佳貺即知情繾綣短篇還愧句
清新他時共結香山社寫我林泉自在身

題畫

何處人家物外幽白雲紅樹亂峰秋飄然別有尋真
客獨上層崖放遠眸

石室書院與幼能約會夜深不至無聊口占

寒波寂寞夜深流隱隱漁燈在遠洲新月漸斜江路

暗望中何處故人舟

與沂川市南 俞公蔡 松谷 趙公復陽 諸文出華

陽亭觀收馬市南丈有詩席上次韻

沙堤秋晚草連雲野色江光望裏分周禮六官司馬
一漢兵千騎羽林羣方知武帳還多暇却引書生共
綴文清興未闌歸路暝小橋殘酒住餘醺

京畿水使元翻挽

一夕轅門士卒驚將星初墮海中營偏裨掩淚迎新
帥旅觀隨舟返舊京匣裏龍泉餘壯氣邊頭龜石頌
廉聲追隨試院渾如夢悵望祈連驃騎瑩

湖洲蔡判書挽

榮辱平生任等閒自將標望致清班
崔君玉樹臨風迴康伯荆門盡日關
活計唯存書卷裏精神常見酒杯間
微才獎許曾非分可耐騷壇永絕攀

感懷示東里

李公殿相

蓬山學士最承恩蓮燭詩成賜上樽
今日與君悲往事可堪重對舊黃門

青湖李文奉

先王實錄向太白山感懷有贈

簫鼓喧喧導彩輿
恍瞻仙仗淚盈裾
橋山已宿三年草石室
新藏萬世書
戴德如天何日忘
酬恩無地此

生餘相看脉脉傷心處却憶聯翩侍玉除

豐沛館謹次圃隱先生韻

參差喬木暮烟橫萬景臺邊過客情
地以龍興留旺氣山如虎踞鎮雄城
千秋瓜瓞基洪祚一域桑麻樂厚生
岐邑沛鄉從古盛不知誰與此爲京

錦山客舍次壁上韻贈主守安令文

獻徵

路繞青山萬轉深
強鞭羸馬度崎嶇
晴沙苦竹村村靜
絕壑浮雲處處陰
門掩郡齋吹暮角
夜寒官樹宿幽禽
仙區吏隱真堪羨
太守何須戀故林

贈泰仁守朴崇古

元亮孤雲共後先詩山從古著名賢秋蓮白露應依
舊佳句何人繼石川

文義途中

夜渡荆江口輕舟近岸依逢人沙際語策馬月中歸
野郭遙聞角山村半掩扉孤吟問前路霜露入寒衣

鄭司藝

元夔挽

雲水高亭枕水雲靜中魚鳥與爲羣曾容賤跡尋仙
境每羨清標脫俗紛深篋暗塵留舊札亂山歸夢泣
新墳龍溪一洞成千古鶴唳松風可忍聞

春帖

巷僻忘城市官閒謝卯申門無襍穢客樽有聖賢人

其二

功名踰分身宜退世事驚心舌欲捫好趁青春歸舊
壠百年歌詠感君恩

晚沙沈相公

之源 壬寅挽

燕塞銜綸忝後塵久依模範幾書紳歸裝洗橐清如
水和氣薰人醉似醇偏感厚情同骨肉尚留遺什見
精神烏蠻舊會成陳跡獨對沂翁拭淚頻

次青湖丈在東郊寄沂川韻

佳句傳從郭外村一篇珍重摠情言危機閱盡看時

態朗鑑回來荷 聖恩懶著朝衣趨瑣闥好隨春色
返衡門遙知吠舛誠彌切長拱宸居北極尊

其二

歸計山家與水村此懷難向俗人言微蹤履盛榮爲
懼懶性投閒譴是恩春盡幾回鷗社夢病來長掩雀
羅門從今便作漁樵伴不管功名二品尊

寅平尉

鄭公齊賢

挽

造物多猜理又玄芳蘭易謝玉難全何郎美貌元非
粉簫史前身本是仙異渥尚霑新葬地歸魂應憶舊
朝天西河至慟那堪說斷盡猿腸淚徹泉

王惟善挽

五百年王氏遙遙一脉傳看君最豪舉在世合騰騫
短褐才終屈中身壽未延升沈與脩短誰復問皇天

其二

每憶明村路相過不厭頻秋漁歸帶雨夜博醉連晨
轉眄皆陳跡傷心獨此身他時七松下駐馬問何人

其三

約伴同修禊相期漢上亭開樽消永夜踏雪下寒汀
片月圓仍缺長江去不停山陽重過地隣笛可堪聽

送李侍郎

蜀漢

出牧濟州

三韓之外是瀛洲積水粘天島嶼浮地理迴分朱雀
影山形高出巨鼇頭郊多苜蓿騰宛馬市有檳榔泊
越舟聞說夢中曾到此只應今日似重遊

玄上人屢訪窮巷索詩甚勤觸熱趨塵詩思全
沒而其意不可終孤強次軸中韻以贈

小齋山色裏高枕水聲中爾忽來尋僻吾方退自公
禪心東嶽月午夢北窻風他日蓮花社能容栗里翁

送洪同年國寶錫龜出守端川

關外魚符簡擢新省郎才望慰疲民祥光遍谷烟生
玉異氣騰空夜識銀東去地形窮大海北來山勢切

層旻秋風一一南飛鴈莫惜音書寄遠頻

送洪學士鼎卿柱三出守醴泉

都門秋色集離樽學士初乘太守轡飛鳥暫辭雙鳳
闕彩衣親奉兩魚軒從知孝理推羣下自有誠心感
至尊行到藥城多賀客月灘西畔是鄉園

朗善君夫人挽

雕軒文駟擁如雲歸配王孫二品君嘉範即看宗黨
敬顯封寧替女工勤夭桃早謝花無實別鶴孤鳴影
失羣環珮寂寥床篔簹冷獨留明月照孤墳

李陽川哲英挽

朝而出告夕無廻信覺浮生薤露催庭下尚留趨過
跡柩前仍奠飲餘杯皇天不吊相公慟行路猶憐新
婦哀同榜舊情兼世好可堪從此隔泉臺

奉贈關東洪按使

處亮

令文

漫說求閒未得閒自憐形役尚朝班秋來又送關東
伯夢裏空尋海上山蓬島白雲旌節外鏡湖明月酒
杯間天公不許分清福餉與君多餉我慳

尹修撰子章

哲挽

家人日望使車歸幽問流傳夢可疑孤館幾驚寒暑
變一年唯與僕僮依空聞病裏思親語忍見行時在

腹兒腸斷嶺南樓下路旅魂遙逐白雲飛

憇納清亭

殘雪松陰入馬蹄小亭孤絕俯寒溪行人過後還岑
寂付與山禽自在棲

關西方伯任公

義伯

新構望日軒於營衙之東

余適過宿方伯索題賦贈

喜見新亭結構工西關形勝此爲雄龍灣襟帶難專
美薩水樓臺亦下風憑檻眼窮千里外卷簾身在半
天中知君葵悃常傾日故闢軒窗正向東

嘉山旅懷

征車西走幾時聞未到龍灣鬢盡斑
縣吏慣看前度客驛亭愁對異鄉山
天寒古木棲鴉定日暮荒城獵騎還
吹斷角聲門又掩漢陽歸夢五雲間

龍灣感舊

餘生忍訪壽星村每到龍灣便斷魂
往事流傳悲父老家聲忝辱愧兒孫
山連雪窖曾留地水接星槎舊泝源
淚盡統軍亭下路百年懷抱向誰論

登統軍亭

倚劍長風萬里生戍樓笳鼓動邊聲
山河摠入新亭淚關塞偏傷故國情
返照依依蘭子島愁雲隱隱鎮

江城千秋烈士忠臣恨化作寒波咽不平

次沂川文寄示韻

癸卯

年華物色入顰呻病裏逢辰倍惜辰
萬事似花隨日變百憂如草到春新
誰教青鏡工催鬢自笑黃金漫繞身
溪雪漸融山鳥語興來觴詠莫辭頻

次韻題南雲卿

龍翼

連朱世榮帖

古峽鳴琴地賢孫率祖行年當周甲會官以繼蹤
榮異事知稀覲遺民若再迎河陽桃李樹一一舊生成
九秋之望陪仲氏兼攜晦仲子輝乘月訪僧伽
寺一宿而返賦短律以記之

今節重陽後佳期四子同峰危懸一徑寺迴出層空
萬壑風斯下諸天月正中平生遊歷地誰與此爲雄

題畫簡

手持白玉杵常擣長生藥夜夜伴姮娥秋風桂花落
定州老妓張玉卽野塘金尚書所昞也聞余過
此來見道舊時金爺下世屬耳感而書贈

塘翁去歲送吾行爲道新安老妓名今日重來還對
爾可堪垂淚說松江

龍灣夜酌醉後書示座上諸公

天涯莫恨駐征車萍水逢迎喜慘裾羈鬢共凋愁病

裏壯心偏感亂離餘樽前暫醉邊城酒燭下催看故
國書明日統軍亭上望北風殘雪意何如

暮投車輦書懷寄呈關西按使

行程已盡鴨江濱絕域還傷去住分歸處驛樓愁獨
上別來官酒共誰醺荒山亂匝如留客匹馬寒嘶亦
戀羣向夕欲投孤館宿雪中殘角不堪聞

歸到鳳山適值外舅葬日愴感一倍賦此寄懷
千里催歸更爲誰百年存沒負心期重經昔日分符
地忍想今晨掩壙時潘岳早承楊氏愛衛郎還愧樂
翁知泉臺定訝吾行晚幾度靈車故故遲

坡山夜坐書懷

點檢身名愧半生孤懷落落向誰傾時危未就歸田
賦歲暮長爲出塞行榮宦倘來元不分險途難盡更
堪驚多情只有中天月照得靈臺一寸明

豐壤哭外舅新阡口占

來誰迎我去誰留一哭荒阡萬事休冥漠夜臺無日
曉獨憐明月照山丘

挽人內喪

代述

夫子悼亡慟我心先獲知竟違借老約猶有未婚兒
篋實陳何益家貧到底思潘楊姻好重相吊倍堪悲

次南雲卿

朝叅後志喜之韻

甲辰

玉宇餘寒已解嚴衢樽春色許均霑虞門四闢千官
入嵩岳三呼萬歲添共賀吾王無疾病卽知新化
聳觀瞻年豐道泰從今始獻祝端宜獻戒兼

用無何堂

洪公柱元

韻追奉春川曹使君

漢英

詞文

仙區勝賞趁清秋千騎東方最上頭此去優閒真得
計向來榮落揔閑愁身同長孺辭中禁望入昭陵感
樂遊詩句政聲應早播峽江時有漢陽舟

市南挽

起自江潭置胃筵 先王盛德大哉天蒼生宿望今
安石玉貌英聲舊魯連才要濟時期峻秩病緣憂國
失遐年斯文寂寞將誰託藝苑空慚糝在前

寒食差祭 寧陵志感

鼎水飛龍幾日還一年春色又橋山孤臣淚似啼鶻
血灑遍花枝點點斑

寧陵諱日幼能有書相問書感却寄

同是 先朝侍從臣每年今日慟彌新東來懷抱君
休問咫尺 園陵入望頻

時寓漢陰江村

山人戒淳留軸索詩已有年困於卯酉未遑也

今來漢湖江榭申請甚懇次韻口號以贈之

莫恠吾詩出手遲向來塵土困低垂江樓永日成高
臥此是逢僧覓句時

江閣月夜呼韻

滿天明月大江流無數青山影落洲高閣酒醒風露
冷五更歸夢鳳凰樓

暮訪李生 柄 江亭醉甚徑起歸來迨有餘懷口

占短律寄示主人昆季要和

繫纜草亭下主人留客勤殘陽愁易歛小酌愧先醺
樹密孤村隱沙回二分歸時新月上漁唱隔江聞

次韻題稻香亭

試問趨朝市何如臥野亭披襟向平楚步履可聞庭
一室生虛白羣山送晚青相留終夕醉松影滿疎櫺
用雲卿韻詠懷錄呈仲氏

棲棲蹤跡路歧間自笑閒來亦不閒活計未營三畝
宅浮名安用六卿班舟移漢浦雲中樹門掩盤溪雨
後山看取水邊亭榭曠幾人能得拂衣還

釜浦舟中醉題清風洪使君處亮扇
暫醉野翁酒仍登都尉舟微涼生樹杪殘照漾江流
峽裏分符興天涯出塞遊那堪歡會地便作別離愁

七松亭醉題金生柱厦扇

莫恠樽前攬涕多十年於此再經過詩山已矣明村
寂把酒其如感舊何

李生希賢攜酒來訪書便面以贈時寓盤溪將
有北塞之行
碧樹蟬聲裏離懷酒一樽懸知北塞夢先到此江村

七月十四日曉夢隨外舅同舟泛江臨別口號
一絕覺而記之

篷底相迎勝會同酒杯雖盡意何窮生憎江上南風
疾吹送孤舟去若鴻相迎勝會四字
忘而足成者也

承命試士北關詰闕拜辭蒙賜貂帽

辭出金門戒使軺北關千里自今朝天山積雪從三
文別有陽春在賜貂

過憇鐵原

官居幽寂似林垞倦客征驂且少停却恐鄉山生眼
底愁來不上北寬亭

新安途中伏次先祖爲鏡城通判時過此韻

寂寞荒林暮景懸數家籬落驛亭前山連麥坂疑無
路地近蓬萊別有天關塞自憐成遠客海雲何處問
羣仙停車試望蒼茫外萬里冷風一颯然

此是入楓
岳之路云

淮陽伏次先祖詩韻

名區獨擅嶺西州古柏成林翠擁樓埋壑暝雲愁易
夕近關霜葉覺先秋山從鐵峽千重出水到銀溪百
折流欲寫新篇摸勝賞沙翁物色少分留

鶴城贈府伯李長卿令兄

逢迎此地豈前期華館張燈細倒卮喜極恍然疑夢
裏醉來忘却到天涯仙遊吏隱君兼矣旅恨邊愁我
任之待得歸程尋鶴浦海山同賦百篇詩

德源客館伏次先祖詩韻

亂山無數鬱青蔥逝水何心獨向東病後形骸非舊
樣客邊詩律得新功荒城畫角愁吟裏故國歸鴻悵

望中虛館閉門仍不寐五更疎雨滴梧桐

效秦少游柳梢青小令賦得別懷追寄長卿

柳岸蘆洲龍堂古渡石老雲愁別酒三杯勞歌一曲
人倚蘭舟 斜陽匹馬沙頭客去後殘燈小樓庭畔
高梧簾前新月佳句誰酬

過草原驛感懷次東岳韻

淚和秋雨落紛紛屈指流年六十三陳跡只今何處
問冷烟衰草驛亭南

先祖以萬曆壬寅為高山察
此即察訪所駐之驛也

北青客館伏次先祖題詠韻志感

陳跡依然舊海山六旬人世事千般詩留珠唾神應

護淚灑紗籠鼻自酸幕府當時違鳳沼兒孫今日愧
貂冠風烟觸日增悽感把酒何心強作歡

朝日軒夜坐

去國離親作遠遊登臨隨處却生愁孤城鼓角三更
月大海風烟萬里秋陳跡幾人同鳥過此身於世等
萍浮寒燈剔盡難成夢枕底濤聲撼戍樓

次韻

閔大受 鼎重

弧矢初心愜壯遊關山不必使人愁鳴弦躍馬七
千士橫槊賦詩今古秋日月看從地底出乾坤長
似海中浮塵胸洗盡平生滯快倒金樽宴庾樓

吉州客館坐對夕烽次板上韻
門掩荒城寂寞中漢陽歸路隔千峰偏憐塞上平安
火一夕傳光達九重

追賦城津之會次端川洪使君韻

危樓縹緲壓層城極目乾坤萬里晴夜久金波渾盪
漾秋來銀漢轉分明朋簪各喜天涯會塞路還疑夢
裏行更陟前峰侵曉望一輪紅日浴東瀛

曉起詠懷復疊前韻

驚風獵獵打荒城絕塞秋陰不放晴簾外曉霜侵夢
冷枕邊殘燭盡情明愁看物色催佳節坐想家人說

遠行關嶺極天滄海濶葉舟誰復幻寰瀛

雄城客懷次老杜秋興韻

轅門猛士擁如林鼓角齊鳴檠戟森瀚海寒聲驅夕
吹天山殺氣結秋陰時危未試安邊策地遠偏傷去
國心遙想洛城明月夜玉關離思集霜砧

其二

關榆落盡塞鴻斜客裏逢秋感歲華陰磧冷雲樓古
壘暝林飢雀啄枯槎霜寒野戍驚宵柝月暗山城怨
曉笳惆悵故園重九節一樽誰復泛黃花

其三

文名集
愁倚官樓送落暉
桔槔臺上夕烟微
千年隴水波常咽
咽八月關山雪正飛
帳裏殘燈孤影伴
匣中雄劍壯心違
穹廬咫尺風沙暗
塞草秋枯牧馬肥

其四

名利輸贏一局棊
得來何喜失何悲
從知羨浦觀魚日
絕勝咸關叱馭時
多病自憐供世倦
不才還愧退身遲
山中蕙帳無人管
夜鶴秋猿幾度思

其五

東邊滄海北邊山
一片孤城白草間
黑水遙連女真界
黃雲近接鬼門關
深秋作客添華髮
絕域逢人少

好顏唯有夜來京
國夢珮聲催赴紫宸班

其六

長風吹月挂城頭
直北胡天一色秋
烽火自通千里信
角聲偏起五更愁
心隨故國參差鴈
夢作清江浩蕩鷗
浮世百年真泛梗
忽驚身到古雄州

其七

開邊拓地幾年功
百戰山河感慨中
一派江流分漢域
九城民俗雜胡風
譙樓劍射秋虹碧
幕府旗翻夕照紅
爭覩使星新出塞
馬前扶杖走村翁

其八

山連長白勢逶迤石堞周遭枕古陂邊日翳雲沈遠
塞朔風吹葉下寒枝征人夜夜刀頭怨病客朝朝帶
眼移年少壯遊真快意莫教霜鬢鏡中垂

記懷贈方伯

閱公鼎重

白日雷霆下九天蒼黃僚席散東銓風波一出秦京
路烟月同登漢水船漢浦重遊元後約關山此會豈
前緣榮枯離合渾閒事且保心期到百年

謹次沂川相公見寄韻

麗朝命帥許專征昭代開邊置列城亂後蕭條唯堞
壘行間埋沒幾豪英良民輕轉徙多逋戶將事侵漁少

鍊兵滿日瘡痍詢訪地綺筵無意倒深觥

吉城記事

天氣恒寒地不毛海洋曾染羯奴臊戎裝妓隊能馳
馬皮服人家盡養葵官酒苦酸芻麥汁旅燈愁碧葵
鯨膏陰山丈雪埋行路時聽城頭虎夜嘯

于元稱
為海洋

次韻

洪國寶

邊州旅食換顛毛水味常腥粟味臊淫祀古風多
用特訟庭竒貨半爭葵燒來藻葉當鹽鹵摘取麻
蕡作膳膏最是客程愁絕處驛夫呼馬類猿嘯

稚子

稚子今安未前宵夢見之形容何太瘦消息轉堪疑
幾度門前候應添病裏思東郊追送地尚記挽衣時
客中無聊漫次少陵秦州雜詩韻

夢裏詩先識天涯賦遠遊驅馳元自許漂轉更誰愁
立馬陰山夕登樓瀚海秋相攜萍水客樽酒共遲留

其二

海霧朝成雨邊風晝起沙關山通鳥道墟落少人家
磧遠天疑盡城高日易斜男兒弧矢志壯觀儘堪誇

其三

北闕銜綸日東門設祖時行人飲冰意游子望雲悲
過路回思怯歸期默筭遲浮生本無定隨處可安之

其四

古峽稀人跡狂鼯自作羣長城東盡海疊嶺上連雲
節候寒暄別山河表裏分秋風出塞曲到此不堪聞

其五

倚劍磨天嶺題詩望海亭胡山頭盡白塞俗眼誰青
陽谷初賓日關雲一客星殊方飽奇勝終憶舊林垌

其六

朝日軒前望扶桑几案間危城三百海大漠一邊山

文谷集
鯨蹴層濤裂鵬翻落照還清時壯士老苔繡戟花斑

其七

障塞通千里民居只數家戰場餘白草耕地盡黃沙
卒歲常衣葛經秋始食瓜唯聞羌笛裏夜夜落梅花

其八

山勢軼崑崙炎天水雪繁星分玄武影江發黑龍源
古塞弁韓國荒城弓漢村平生一長劍北望倚轅門

古州舊號弓漢村北
道卽古弁韓之地

其九

漢地臨江盡胡天入塞低空傳勒銘石未借閉關泥

水接河源北山蟠雪嶺西那堪戍樓夜明月殷秋聲

其十

萬古先春嶺橫遮靺鞨天至今碑獨立當日箭無傳
漢將行軍壘胡兒飲馬泉傷心文肅廟蕪沒豆江邊

其十一

帳下七千士北方金革強弓隨關月滿箭沒塞雲長
風翻看鷹隼霜蹄騁驪驪龍庭入睥睨萬里莽蒼蒼

其十二

嶺北人猶滯江南鴈盡歸月中霜葉亂雲際夕烽微
旅夢臨關斷家書到塞稀秋懷兼別恨日覺減腰圍

其十三

落日下西山蒼茫烟樹間此時聞鼓角何處望鄉關
獵馬收禽返村牛帶犢還黃昏倚高閣秋氣入愁顏

其十四

絕塞秋將晚重陽節又回任從烏帽落誰遣白衣來
故國萸盤隔荒城菊藥開欲登高處望徒使客心哀

其十五

吾廬北岳下孤負賞秋光豔菊應垂砌叢筠合過墻
兒閒拋亂帙客散掩虛堂最憶梧桐月清宵鶴唳長

其十六

城門初下鑰客意轉思歸臥聽朔風吼起看寒月輝
胡鷹秋始乳燕鴈夜猶飛却怕狐裘薄天山雪作威

其十七

旅况無人問孤懷只自知聞笳不眠客擊柝可憐兒
剔燧占釭火拈毫浴硯池啼烏亦何事半夜未安枝

其十八

隱隱關山月潺潺隴底泉清光遙可攬哀響暗相傳
玉宇西風外銀河北斗邊天涯美人隔那得不悽然

其十九

每愛迷湖勝思營一畝宮浮名成汨沒宿計墮虛空

牧笛蘆洲雨漁舟柳岸風三秋關外夢長繞故園東

其二十

末路相知少他鄉此會難敢誇詩筆健偏惜酒杯乾
革帶休文瘦綈袍范叔寒懸知草檄手他日陟騷壇

與季周夜話記懷○季周即李公端夏時為北評事

今歲新元偶於夢中得句云遠客自驚千里夢
居人空掩數家村似是客中之作而未卜其何
兆付之適然今到北關沿路民居皆不過數家
忽憶前夢宛是今日情境始覺世間行藏皆有
前定豈容人力於其間耶遂足成一律以志之

猙風吹雪朔雲屯長白山前古塞垣遠客自驚千里
夢居人空掩數家村浮生已悟同槐國畏道寧愁近
鬼門行止百年難自料直須隨分任乾坤

與端川利城

趙聖輔

兩使君同訪七寶山途中

有作

落日穿深峽歸雲擁客衣不愁幽境遠偏惜故人違
水逐巖磔轉山藏洞府圍黃昏鳴磬處遙認有禪扉

季周有約不至

其二

陟險渾忘倦探竒不厭深林寒秋有雪洞霧晝成陰

古路僧先導新詩鳥和吟明朝攜二子同上最高岑

夜宿金藏寺

仙山踏盡萬重雲古寺懸燈到夜分落木風泉渾不辨枕邊還作雨聲聞

朝起雲雨蔽山作詩遣悶

無端雲雨苦相欺秘却瓊峰面面奇豈是山靈真阻興定從騷客故催詩陽臺不要逢神女衡嶽終應感退之留待晚風收翳褱試將長笛倚樓吹

開心寺

古寺僧何去荒庭日欲西木魚風自響山鳥暮還棲

佛殿苔侵座巖扉葉沒蹊時看遊客至破壁姓名題

金剛窟

絕壁開幽竇孤菴架數椽林風吹送葉巖溜滴成泉破榻雲依宿虛窻鳥啄穿寂寥金像坐山鬼解參禪

兜率菴

咫尺諸天不可登寺巖千佛自層層依然石室雲霞裏想見當時入定僧

菴有絕粒僧入樓今不在云

漫吟記懷奉同行兩益

列岫包羅大海環壺中靈境隔人寰登臨萬里同吾輩開闢千秋有此山岳老詩篇增地勝湖翁題品發

天慳風流往事皆陳跡欲向羣仙問大還

李東岳林錦湖遊此

有記及詩

歸路少憇門巖回望諸峰

天公有意劈層巖屹作玄關瑞霧緘藏得別區千古
獨挹來真面一山咸平臨雪嶽屏圍玉俯瞰滄溟鏡
發函立馬回看探歷地可堪從此隔仙凡

和長卿寄示長相思小令

思故人望故人雪山無際海無津歸夢亦難頻
佳辰惜佳辰霜菊初花月半輪把酒誰與親

雄城客館移盆菊一叢置座側臨行留詩為別

塞菊含霜一朵寒客中相對不成歡芳心未折吾先
去留與他人歲暮看

留別利城使君

關塞追隨逆旅中愛君披豁見深衷交情四世通家
舊王事三秋去國同下馬臺邊聯謝屐斬鯨城上醉
郛筒明朝去住分千里惆悵清遊轉眼空

鯨臺在城津

居山驛遇雨

北客南歸後鴈羣羈愁別夢轉紛紛秋來驛路多逢
雨日暮山村半入雲人語却驚關外異角聲偏厭馬

前聞家鄉此去猶千里添得霜毛更幾分

昌道驛夜懷時新開子喪

至慟那堪說寒宵不肯明厨人篝火語櫪馬齧芻聲
慘裂腸皆斷驚呼夢未成雞鳴仍輾轉流淚枕邊盈

鄭相國維城挽乙巳

清如水玉直如絲今代於公始見之胸次豈曾留畛
域身名終不受磷緇憂時涑水言疑夢哭子西河病
莫醫從此履羶咨訪地格 王誰復進忠規

鄭相發引日送至門外口占

黃閣功名一粉旌向來賓客暗吞聲填街列炬明如

晝非復沙堤舊火城

賜浴北湯後雲卿有詫榮之作次韻

餘波霑丐荷 宸情玉斲均分雨露榮豈是袞除臨
涓水休論賜浴侍華清同涵 聖澤深濡首苦厭京
塵試濯纓照影還憐雙鬢改答恩唯有寸心明

次青湖志喜寄示之作

水晶宮殿玉為泉瑞靄祥雲擁後先天佑 聖躬羣
沴辟地滋靈液異功宣新良德著銘盤訓禮士恩優
置醴筵看取史臣揚大筆我東更始自今年

呂判書爾載挽

倉卒除兇贊密謀明時遷擢見才猷腰金煥赫叅司
馬肺石平反長爽鳩已惜朝班休曳履那堪夜壑失
藏舟居然門館成陳跡忍送丹旌古廣州

姜監司 裕後挽 歿於海 西監營

徹底清冰瑩絕瑕蕭然瘦鶴淡無華明時未試牽裾
直苦節須看歛被斜王事七年仍去國旅魂千里獨
還家靈車却遣沿途護想得重泉永拜嘉

其二

芙蓉堂上復三嗥慘愴悲風動節旄望斷門閭成永
隔病嬰原隰為賢勞 宸情尚眷离筵侍吏績爭傳

御史褒綿酒一杯何處莫峽雲無際水滔滔

送人

相國焚黃去兒郎舞綵從江清無六月帆迅失千峰
細雨梨湖樹斜陽甓寺鐘歸來傳秀句一盪病夫胸

西郊餞席書贈青平都尉 沈公益顯 丙午

依依殘日下山椒萬里脩程始此橋書過鴨江難復
寄夢尋燕塞不知遙吟邊遠樹天浮薊馬首長城地
割遼休恠我懷偏有感昔年曾逐相公輅

李弘遇挽 李監司翊漢之子 監司時謫西塞

鸞珮蟬衫杳莫攀玉樓新構遽催還空教至慟留人

世淚盡天涯望子山

青湖李判書挽

烏赫門闕冠摺紳文康之後幾名臣傳心大硯仍三世屈指騷壇不二人華國俊才真黼黻滿家遺集摠絲綸千秋太史波濤筆盛事長留簡策新

其二

謝家羣從並聯芳爭說鶴班卽鴈行春草句成靈運夢古琴絃絕子猷床傷心不忍尋東里掩淚那堪對季方三世交情今已矣百年腸斷此哀章

東昌尉

權大恒挽

風流都尉早承恩白馬金魚二品尊靜裏閒情唯杖屨醉來豪興更琴樽浮生夢罷槐安國故宅春回沁水園咫尺比隣偏掩淚碧桃花發鎖重門

扈 駕渡漢船上口占略述盛事錄示同行諸

公要和

層城宿雨乍清塵日射龍旗霽色新江上樓船開帳殿輦前兵馬儼鈞陳雲高太甲扶 慈極春滿康衢祝 聖人還愧小臣叨侍衛每年空飽御厨珍

次長卿再疊志喜韻

瑤泉玉甃炯無塵浴罷 天顏喜色新內監頻傳靈

效奏侍臣爭把賀詩陳盤銘自可追殷后藥石何煩
問越人分與暖波霑丐遍一方留作辟寒珍

其二

南巡狩似去年儀肅肅和鑿井井旗恩霈老羸扶杖
拊禮羅賢俊載車隨祥騰 聖祖曾臨地運屬東方
再泰期堪笑華清徒逸豫只今誰復數唐詩

尤齋

宋公時烈

同春兩台承

命隨

駕到天

安徑歸悵惜有作

聖主南巡駐蹕初招賢先降紫泥書同朝甚喜承前
席異禮仍看載後車空谷白駒嗟莫繫東山赤鳥望

還虛風雲正屬千年會肯許躬耕老草廬

扈

駕宿果川夜雨卽事

一陣微涼散鬱蒸周廬臥榻冷於冰風傳帳殿三更
漏雨暗轅門萬幕燈環衛令嚴聞夜警起居誠切戒
晨興明朝扈 蹕還京闕士女傾都喜氣騰

端陽將事

寧陵又值

天崩之日感愴彌增

書以寓懷

橋山攝事愧微臣未死人間百感新遺慟又逢憑几
日異恩偏憶賜衣辰祥雲夜夜朝仙寢靈雨年年泣
舊良萬歲千秋長拱衛此身還羨石麒麟

偷暇偶出明村書贈羅顯道

良佐

漫興仍休沐幽期即野扉看君閒趣足覺我宦情微
畦稻登場早溪魚入網肥還愁夕陽路獨伴禁鴉歸

東湖感舊

梨花亭下泛仙舟每憶蓬山五子遊陳跡十年渾似
夢獨來惆悵倚江樓

八月十八日夜病臥書懷

是日即兒
子亡日

高梧撼撼動新涼露滴空階月到床忙裏每愁年易
促病來還覺夜偏長身如莊蝶驚殘夢淚盡巴猿斷
寸腸惆悵世緣何日了興隨歸鴈入江鄉

贈別南雲卿燕行

欲把何辭贈此行舊遊回首夢猶驚逢人不敢分明
語到處徒增感慨情獨夜雄心憑短劍中原古路入
長城屠門酒肆知多少試覓悲歌擊筑聲

吳判府事

竣挽

積德名門慶自臻雲霄步武上星辰何曾遇事雙眉
皺便覺薰人一味醇鮐背年高知養性蠅頭字細見
通神山陰舊會成陳跡遺墨空傳永世珍

文谷集卷之二

